



Broj: 01/01-605-1/19-2022
Sarajevo, 03.06.2022. godine

Na osnovu člana 69. stav (2) tačka e), člana 70. stav (1), (4) i (6) Zakona o javnim nabavkama („Sl. glasnik BiH“, broj 39/14), na preporuku Komisije za provođenje postupka nabavke broj: 01/01-605-1/18-2022 od 03.06.2022. godine za nabavku roba: **LABORATORIJSKA OPREMA za LOT 1 - Vage**, Dekan Univerziteta u Sarajevu-Prirodno-matematičkog fakulteta donio je

ODLUKU o poništenju postupka javne nabavke

Član 1.

Poništava se postupak javne nabavke roba: **LABORATORIJSKA OPREMA za LOT 1 - Vage** za potrebe Univerziteta u Sarajevu-Prirodno-matematički fakultet iz razloga što je *cijena prihvatljive ponude znatno veća od osiguranih sredstava za predmetnu nabavku*.

Član 2.

Ova odluka objavit će se na web-stranici www.pmf.unsa.ba u skladu sa članom 70. stav (6) Zakona o javnim nabavkama BiH.

Član 3.

Ova Odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke roba: **LABORATORIJSKA OPREMA** broj: 01/01-605/3-2022 od 09.05.2022. godine. Obavještenje o nabavci broj: 29340-1-1-39-3-12/22 od 11.05.2022. godine objavljeno je na Portalu javnih nabavki i u Službenom glasniku BiH broj: 32/22.

Iz Izvještaja o preuzimanju tenderske dokumentacije od strane ponuđača, vidljivo je da su u periodu koji je ostavljen za dostavljanje ponuda do 27.05.2022. godine, tendersku dokumentaciju preuzeli slijedeći potencijalni ponuđači: EKAPIJA DOO, EMEDING DOO, INSTRUMENTS, "LARIX" D.O.O., BIOLOGIST GROUP D.O.O., UNIVERZITET U ISTOČNOM SARAJEVU, BBS EUROPE, SHIMADZU D.O.O., HELIA, AB MEDIC D.O.O, EMGEN DOO, MEDA DOO SARAJEVO, KRAJINAGROUP D.O.O. BANJA LUKA, SEMIKEM D.O.O. SARAJEVO, R&S D.O.O. SARAJEVO, ANALITIKA D.O.O. SARAJEVO, DOO EUROLAB, ALPHACHROM D.O.O., DMV DOO , BIJELJINA, "ELUR" D.O.O. KISELJAK, KEFO D.O.O. ISTOČNO SARAJEVO, PROANALYTICA D.O.O., MIKRO+POLO D.O.O., REMEDIA D.O.O. TUZLA, "TUZLA-FARM" D.O.O. TUZLA, TKAONICA ČILIMA D.D., APICAL DOO, MPS LAB D.O.O., O-MEGA-III D.O.O. SARAJEVO, BOSNA-VET DOO, CONTROLMATIK BH DOO SARAJEVO i SARTORIUS LIBRA ELEKTRONIK D.O.O..

Iz *Izvještaja o pitanjima i odgovorima* u periodu koji je ostavljen za dostavljanje ponuda, vidljivo je da je za navedeni lot ponuđač SARTORIUS LIBRA ELEKTRONIK d.o.o. Sarajevo tražio pojašnjenje u vezi slijedećih stavki:

Katedra za opštu i anorgansku hemiju-Fakultet - Da li Vam odgovara vaga 520g/0,01g?, a Ugovorni organ je prosljedio slijedeći odgovor: Da, odgovara vaga 520 g (0,01 g).

Katedra za opštu i anorgansku hemiju-Projekat Vlada KS - Rb.1.Da li je u pitanju greška? Vaga 120g sa podjelom 0,01mg(0.00001g) je Semi-micro vaga i njena cijena je preko 10.000,00KM?, a Ugovorni organ je prosljedio slijedeći odgovor: Procijenjena vrijednost za navedenu vagu dobijena je istraživanjem tržišta.

Katedra za opštu i anorgansku hemiju-Projekat Vlada KS - Rb.2.Da li Vam odgovara 220g/1mg ili 120g/0,1mg?, a Ugovorni organ je prosljedio slijedeći odgovor: Da, odgovara vaga 220 g (1 mg).

Katedra za opštu i anorgansku hemiju-Projekat Vlada KS - Rb.3Da li Vam odgovara 520g/0,01g?, a Ugovorni organ je prosljedio slijedeći odgovor: Da, odgovara vaga 520 g (0,01 g).

Katedra za organsku hemiju i biohemiju - Projekat Vlada KS - Da li Vam odgovara 520g/0,01g?, a Ugovorni organ je prosljedio slijedeći odgovor: Da, odgovara vaga 520 g (0,01 g).

Iz Zapisnika o otvaranju ponuda vidljivo je da je Komisija za javne nabavke dana 27.05.2022. godine sa početkom u 10:30 sati, po redoslijedu zaprimanja izvršila javno otvaranje blagovremeno prispjelih ponuda slijedećih ponuđača:

R. br.	Naziv/ime ponuđača	Blagovremene ponude	Broj prijemnog protokola	Datum i vrijeme pristigle ponude
1.	KRAJINA GROUP d.o.o. Banja Luka	Da	01/01-605-1/6-2022	25.05.2022.g. u 10:35 sati
2.	KEFO d.o.o. Istočno Sarajevo	Da	01/01-605-2/6-2022	26.05.2022.g. u 11:50 sati
3.	EURO LAB d.o.o. Bijeljina	Da	01/01-605-3/6-2022	27.05.2022.g. u 09:15 sati

Na javnom otvaranju ponuda nisu bili prisutni predstavnici ponuđača.

Zapisnik o otvaranju ponuda prosljeden je putem email-a svim ponuđačima koji su blagovremeno dostavili ponude.

Komisija za provođenje postupka javne nabavke je na zatvorenom sastanku pristupila pregledu i ocjeni ponuda, kako bi utvrdila da li su ponuđači ispunili uslove za kvalifikaciju, a koji su traženi Tenderskom dokumentacijom, kao i da bi utvrdila da li su ponuđači dostavili tehnički zadovoljavajuće ponude u skladu sa zahtjevima iz Tenderske dokumentacije.

Komisija za provođenje postupka nabavke je sačinila Zapisnik o otvaranju ponuda i sačinila sažetak primljenih ponuda kako slijedi:

Redni br.	Naziv i sjedište ponuđača	Ponuđeni popust	Ukupna cijena ponude
1.	KRAJINA GROUP d.o.o. Banja Luka Novakovići bb 78 000 Banja Luka	0,00 KM	Cijena ponude bez PDV-a =14.025,00 KM 0% popust Ukupna cijena ponude sa uračunatim popustom bez PDV-a =14.025,00 KM PDV na cijenu ponude= 2.384,25 KM Ukupna cijena za ugovor = 16.409,25 KM sa PDV-om

2.	KEFO d.o.o. Istočno Sarajevo Ćorovićeva 1A 71 123 Istočno Sarajevo	0,00 KM	Cijena ponude bez PDV-a =8.616,00 KM 0% popust Ukupna cijena ponude sa uračunatim popustom bez PDV-a =8.616,00 KM PDV na cijenu ponude= 1.464,72 KM Ukupna cijena za ugovor = 10.080,72 KM sa PDV-om
3.	EURO LAB d.o.o. Bijeljina Filipa Višnjića 22 76 300 Bijeljina	0,00 KM	Cijena ponude bez PDV-a =8.620,00 KM 0% popust Ukupna cijena ponude sa uračunatim popustom bez PDV-a =8.620,00 KM PDV na cijenu ponude= 1.465,40 KM Ukupna cijena za ugovor = 10.085,40 KM sa PDV-om

Nakon pregleda i ocjene ponuda, Komisija za provođenje postupka nabavke utvrdila je da ponuđač **KEFO d.o.o. Istočno Sarajevo** u svojoj ponudi u dijelu Obrazac za cijenu ponude-Aneks 3 u predviđenu rubriku nije unio naziv proizvoda i proizvođača robe, što nije u skladu sa tenderskom dokumentacijom tačkom 7. u kojoj je navedeno: „*Ponuđač je dužan u Obrascu za cijenu ponude-Aneks 3, unijeti naziv proizvoda i proizvođača robe koju nudi. U slučaju da ponuđač ne unese tražene podatke, ponuda će biti odbijena kao neprihvatljiva.*“, te kao takva **ponuda nije uzeta u dalje razmatranje.**

Ponuđač **EURO LAB d.o.o. Bijeljina** je u svojoj ponudi dostavio kopiju potvrde NLB Banke da račun nije bio blokiran u posljednjih 12 mjeseci, međutim iz potvrde nije vidljivo da je riječ o glavnom računu, što nije u skladu sa tenderskom dokumentacijom tačkom 7. u kojoj je navedeno da je ponuđač dužan dostaviti: „*Potvrdu izdatu od strane banke u kojoj je otvoren „Glavni račun“ sa naznakom od strane banke da navedeni račun ponuđača predstavlja glavni račun, te da isti nije bio blokiran u zadnjih 12 (dvanaest) mjeseci računajući od datuma izdavanja potvrde. Datum izdavanja potvrde ne smije biti stariji od 3 (tri) mjeseca računajući od dana dostavljanja ponude. U slučaju da se u ponudi ne dostave traženi dokumenti propisani tenderskom dokumentacijom ili se ne dostave na način kako je naprijed traženo, ponuđač će biti isključen iz daljeg učešća zbog neispunjavanja navedenih uslova za kvalifikaciju*“, te kao takva **ponuda nije uzeta u dalje razmatranje.**

Također, Komisija je utvrdila da je ponuda ponuđača **KRAJINA GROUP d.o.o. Banja Luka** formalno pravno ispravna, međutim dostavljena ponuda premašuje procijenjenu vrijednost nabavke, tj. iznos osiguranih sredstava za predmetnu nabavku, te kao takva **ponuda nije uzeta u dalje razmatranje.**

Komisija za za provođenje postupka nabavke predložila je Dekanu da na osnovu člana 69. stav (2). tačka e) Zakona o javnim nabavkama BiH donese Odluku o poništenju postupka javne nabavke roba: **LABORATORIJSKA OPREMA za LOT 1 - Vage** iz razloga što je **cijena prihvatljive ponude znatno veća od osiguranih sredstava za predmetnu nabavku.**

Iz gore navedenih razloga, primjenom člana 69. stav (2) tačka e) Zakona o javnim nabavkama BiH, prihvaćena je preporuka Komisije i odlučeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Prilog:

- Zapisnik o pregledu i ocjeni ponuda

Dostaviti:

- Ponuđaču: **KRAJINA GROUP d.o.o Banja Luka**
- Ponuđaču: **KEFO d.o.o. Istočno Sarajevo**
- Ponuđaču: **EURO LAB d.o.o. Bijeljina**
- Dosije nabavki
- a/a

DEKAN FAKULTETA

Prof. dr Nusret Drešković

